



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.
Vsque Ad. Pavlvm. V. Pont. Max Descriptio. Et. Delineatio**

Angelis, Paolo de

Roma, 1621

Illustriss. D. Petro Strozae S. D. N. à secretis, Fr. Thom. Nouar. S. P. D.

urn:nbn:de:hbz:466:1-13873

tholica notitiam verè, & ex animo concupiscunt; benedictionem nostram Apostolicae impartimur. Datum Romæ apud S. Petrum, sub Anulo Piscatoris, die sanctissima Annunciationis B. Virginis Marie. viij. Kalendas Aprilis, 1614. Pontificatus Nostri Anno nono.

Petrus Stroza.

ILLVSTRSS. DOMINO
PETRO STROZAE
SANCTISSIMI DOMINI NOSTRI
A SECRETIS.

Frater Thomas Nouariensis. S.P.D.

VONIAM ex qua die Babylonem contendens, profectus sum Aleppo, hac prima semihidat occasio, cum testificandi meum per literas in Dominationem vestram Illustrissimā officium, & obsequium, tum de Patriarcha Babylonico certiore eam faciendi, nunc opportuna ferente commoditate, simul cum leto nuntio breuiter suorum laborum fructus, & quasi capitum proferam, quod temporum angustia, & iam Tabellarij prefestinum iter ita flagitant.

Cum ergò anno proximè elapsò 16. Kalendas Ianuarij Aleppo discesssem, 10. Kalendas Ian. Vr Chaldeorum (Nunc Orfam vocant) propè accessi: quo in itinere P. Petrum Metostiam, secundò ab illo Patriarcha redeuntem offendì, à quo cum post mutuam salutationē, ubi nam effet Patriarcha, quererem; ubi Timotheus, & quo se modo res haberet: versari eos respondit Merdinum propè in deserti illius cœnobio, quod Mar Bettican vocant: tum, i porrò inquit, lepus te certò manet. Ego me leporum captiōrum non venisse subiicio, nec ut ipsorum rebus me implicarem, sed Chaldaicę lingue, cuius eram percupitus, ediscendae gratia, i, subiungit ille, certò lepus te manet: si ita est, inquam ego facilius capietur, certè quicquid erit, officio canum fungemur, tum discendentes, atque amicè officia mutua offerentes, quisque iter cœptum carpit.

Ipsò Natali Christi Domini Orfa profecti, et post aliquot dies Merdinum versus ire coacti, ut quos commemoravi supra inuiseremus, multa vadoſa loca non sine præsentī periculo, diuina frexi ope, prætergredi, post laboriosum diuīum 14. iter Patriarcham adi, & ab illo, atque à D. Gabriele Decano Archiepiscoporum humaniter exceptus sum, cum diceret Patriarcha, dolere sibi non parū, quod eo in loco tum effemus, in quo non posset laetus, & commodius hospitem excipere. Pro-

A fectus erat ijs diebus D. Timotheus, ut dies Domini Natalitios cum grege suo duceret. Interea Patriarcha Priorem cœnobij, ut Eliam accerseret, miserat, quem expectabat, etiam ut cum illo Natalem Christi suo more celebraret: sed intercluserant niues aditum. Itaque soli, dies illos festos egimus, & ego singulos suis munusculis donavi, Patriarcham præcipuo anulo aureo, eleganti arte perfecto, & in modum Crucis lapillus pretiosis distincto; Dominū etiam Gabrielem suo, sed pretio minori. Quieti per hos dies degbamus, & lati, cum ecce 23. Ianuarij presentis anni, Merdini gubernator ad istud Monasterium Ianiſſarium, qui me, & Patriarcham iunctos in carcerem rapiat, mittit. Ego tum diuino quodam favore eram in sylva, cum irrupit barbarus, cuius mentem cum seruus meus Franciscus turcica lingua intellexisset, monuisseque de periculo, nocte in tempesta, in vetera quedam antra abscondi me me, ibique sex dies egi:

B Patriarcha sequenti die à truculento milite in custodiā pedes inhumanè ductus est. Sex illi dies fluxerant, cum aduentat ille tandem expectatus Elias, cum duobus Archiepiscopis, Sacerdotibus aliquot, & Monachis, quorum causa antris educitus, cum ad salutandum eos venissem, ille me incredibili amoris significatione prosecutus, una cum alijs ad canam ut cogit; & postea cum ad eos, qui aderant Archiepiscopos, Religiosos chaldaicē uerba fecisset, interiorē vestē, quā nigra tecta de more Archiepiscopi gentis illius gestat, exuens, mihi donat; utq. induā illam, omnino iubet; Ego inquiens Elias ueste hanc Rabbanio Thome dono, ut intelligent omnes, velle me ijs omnibus obsequi, que ille Sanctiss. D.N. Papæ nomine imperabit, utq. ita faciat is omnes in primis volo. In sequenti die Emetum, ut equis suis veherer, curauit, ubi Patriarchā expectaremus, qui post multas, & graues arumnas, in pretium deniq. liberationis sue 60. aureos persolvens, è carcere euasit. Mea quæ fors futura fuisset, Deus bonè, si in illos prædones captiuus incidisset?

C E Vigesimo Ianuarij, Monasterio egressus, ultimo eiusdem mensis Emetū veni, cuq. aduentum meū D. Timotheus Archiep. audisset, is cum universis Sacerdotibus, & reliquo accensis ad ipsū usq. primū templi ueſtibulū obuius mihi prodit, et cum cātu in tēplum induxit, actiūq. suo more Deo gratijs, osculati omnes manus meas, tūdem mihi, quæ Patriarchæ postea, nisi quod Crucē, & pastoralē baculū non prætulerunt, honorem detulere. Omnes item Chaldei, qui Emetum incolunt, vespere salutandi mei causa domum nostras venere, & ut manus oscularentur, quorum pars præcipua in cœna mecum fuerunt pro more gentis apparatissima, cum interim ad singula pocula pias laudes

Sanctis-

Sanctissimo Domino Nostro cancent, eique longam, beatamque vitam apprecaentur. Stantes honoris causa, & capitum tegmina magno cum reverenti & arguento deponentes. Denique eò loci, quam comiter habitus audiui demum Patriarcham cum Archiepiscopis tertio Februarij ad proximum pagum nomine Ceruchiam venisse, ac post triduum proprius ad Aintanur Ciuitatem accessisse. Hic ille dum subsistit. Elias Ciuitatem adit, ut quosdam Turcas amicos suos muneribus ornaret. Ego interim qua ratione ista Elia subdi posset Ecclesia, animo cogitabam. Ipse vero de admittendo Patriarcha Babylonico, qui legitimus ipsorum esset, deque concordia, & unione nationis sua agebat. Simonem Persam, quod est in summum Pontificem bene affectus, & quod illius causa Templum Hierosolymis adscaretur; ibi relinquendum existimauit. Magne sunt exorta in hoc negotio, & impedita difficultates; primorum tamen eò inclinavit animus, & sententia, ut Patriarcha acceptaretur. Restiterunt quatuor Sacerdotes duntaxat, quorum pertinacia indignatus Elias, ad Patriarcham proxime sequenti luceredit, comminatus, nisi Patriarcham admitterent, eos se Archiepiscopo priuaturum, deserturumque, ut erant promeriti. Quare statim proposita etiā anathematis, nisi pareret, pena, Archiepiscopo mandat, confessim excedat inde. quod ille cum fecisset, magni facti sūt motus animorum; & diuersi inter eos, qui persistabant in excludendo Patriarcha obstinati, & eos, qui Templi causa Hierosolymitani, & Timothaei, quem summus Pontifex misera, gratia, excipiendo dicebant. Ego cum ex ea dissentio, ne quid grauius exoriretur, vehementer timorem, pricipuum ē Sacerdotibus accersitum ad me sum hortatus, ut quoniam Pontificem venerarentur; quem idem summus Pontifex ad eosdem mittebat, ipsi nō aspernarentur. Tum discedens, ad Patriarcham quamprimum contuli; quo discessu illi territi, & ne ego quoque ipsorum discordia offenderer, veriti id demum efficerunt, ut duodecim illi omnes Presbyteri cum Elia de suo Patriarcha admittendo, tabellis etiam consignatis consentirent, ea conditione, ut proximo Septembri Hierosolymitana illa fabrica, & Monasterium item, cui adscicando emendum solum destinant, perficiat. Atque ita Patriarcha Ciuitatem eorumdem rogatu, cum tribus Archiepiscopis, & mecum ingressus, solitus & ritibus, & honoribus sacram in eadem quoque deductus ab ijs est.

Sequenti Dominica, quae prima fuit ipsis in Quadragesima, nobis secunda erat, solemnis ritu, & pompa admissus Patriarcha est; faciente Timothaeo sacrum, & Elia concionem habente:

A qua peracta, Pontificali ueste, nostro more, modoque Patriarcha indutus est, indutique eodem more Elias, Joseph, & Timothaeus, totidem enim ornamentis pulcherrimis locupletata Ecclesia illa est, primis quidem à Gregorio, secundis à Sixto, tertii à Camera Apostolica, quartis à Sanctissimo Domino Nostro. eadem ratione induti Sacerdotes, nec non & Diaconi, omnes supplicationē instituerunt solemnam, continentis Patriarcha laudes: qua transacta, sede sua collocatus ille, manuum oscula & triusque sexus exceptit. Tum quatuor Sacerdotes folium attollentes, à primo usque ingressu Templi ad summum Altare Patriarcham Crucem, quam manus gestabat, populum signantem, humeris portauere. Sacrum ergo peragitur; & postrem Patriarcha, omnem sexum, & etatem populi, qui aderat, Sacratissima corporis Christi communione impertit; nec cum summo mane hec celebritas cœpisset, ante serum diei completa est.

B Proximè sequenti die indicta Synodus, primo Martij, conuenit, in qua post sacras preces, obseratis Templi portis, sedente primo loco Patriarcha, assidenteque illi à dextris Gabriele, à sinistris Elia, tum ordine suo Iosepho, Timotheo, Abrahamo, & quotquot aderant, Elias (cui partes he demandatae erunt) paucis prefatis, me & uniuersi cœtus nomine compellare cœpit, petereq; ut que Sanctissimus Dominus Noster ab ijs expeteret, quid fieri vellet, quid imperaret, quid Legato ab se ad eum missō respondiret, ediffererem, ac explicarem. Tum ego, & monitis Dominationis Vestræ Illustrissime, & libello summi Pontificis ad Patriarchā conscripto (cuius exemplum mihi P. Adamus Aleppi reliquerat) instructus, expedite satisfecit. Primo ergo summum Pontificis in Patriarcham, & uniuersam eorum nationem amorem, & qua humanitate Legatum eorum ad se missum excepisset, exposui; tum munera publica, ac nominatim ad Patriarcham ab eodem missa recensui; sed praesertim, quod cum maximè locum promendum, & id beneficij exaggerandum scire, singularem fauorem in Templo illo ab ipsis exoptatissimo Hierosolymitano, quotandiu fuerant orbati, iam concessò; multis amplificavi. Subiecti demū habere eos libellum Chaldaica lingua ad ipsis à Sanctissimo Domino Nostro destinatum, ex quo quenam fuisse Sanctitatis voluntas, & quid ab illis optet, siue expectet, facile intelligant. Proferatur ille, Respondit Elias, ut hoc sciamus. Ego ad Timothaeum mihi proximum versus, illum ut exhiberet, italicè monui; quo ille dicto non nihil, ut visus est, commotus, tu, inquit, articulos Fidei modo propone, libello non est opus: Quin libellus à Timothæ, inquam ego, summus Pontifex tibi, ut il-

lun

lum solus habeas, seruesque reconditum, haud quaquam dedit, sed ut cum Patriarcha, & Synodo communices. Demum eò res deuenit, ut verbis certaremus quod Elias cum vidisset, Produc, inquit, Codicem illum Timothee, bene monet Thomas, Nosque Sanctissimo Pontifici, nisi libellum videamus, haud respondebimus. Et inter illos quoque rixa verborum, quam meridiane orationis tempus dissoluit, cœtus enim cum ea sententia, ut libellus palam legeretur, dimissus est.

Vrgebat proxima die Patriarcha, ut libellum proferendum curarem, ego demissè respondi, posse illum facilius Timotheum, utpote sibi subditum, ad officium cogere. Enimvero non ignoras, inquit, Timotheum Ciubbus Emetianis charum esse, cui si molestiam vllam facessem, illi, qui me in Patriarcham suum nuper adsciuere, per quam facile turbaram aliquid, & tumultus ciebunt. Sanè Patriarcha vir est antiquæ probitatis, integer vir, iniuriarum patiens, modestique animi, & minimè fucati. Timotheus libellum detinebat & munera; an quia Emeti promiserat se illa Ecclesia daturum, si in Archiepiscopum ab ea deligeretur, vel ut Hierosolymam deferat, vel etiam ut retineat sibi, prorsus ignoro. Ego quidem atrocius in illum eo die præsens ipse sum inuestus, quibus etiā minas grauissimas addidi, quanquam possem grauiores; cum plus illi mali, quam quod minabar, inferre possem. Quare ille commotus, ac sibi timens, præsertim cum ad eam obiurgationem meam alia non levior accesserit Eliæ viri planè prudentissimi, cuique Timotheus Archidiaconum suum, legationem ad Pontificem, Archiepiscopatum Emetianum, & alia debet quæ plurima: is, ut mihi satisfaceret, ad me adjicit, veniaque petita, facturum se quicquid ego imperarem, recepit. Tum post amplexus mutuos, ego omnes illi officij, atque amoris partes obtuli, tantum Patriarche mandata Pontificis ex libella traderet, ne res cœpta perturbaretur.

Itaque luce proxima, tertio Martij, cum post orationem solito more in Templo confedimus, ego de vniione animorum, atque amore ceipi maxima cum omnium voluptate dicere: Timotheo præsertim placuit Oratio, cuius ego diligenter in execundis Romæ bonis partibus Legati Petriæ sua, & Patriarche plurimum commendau. Inde ad articulos fidei proponendos oportune delabor. Ut intelligam, inquam ego, qui Oratoris munus cum fide sustinere vehementer cupio, num vos ijs omnibus, que reverter ad Pontificem Nuntius detulit, plene consentiatis; ita exordiar. Creditis ne Illustrissimi, ac Reuerendissimi Patres Romanam Petri sedem,

A in qua in præsentiarum Paulus Quintus Pontifex Maximus sedet, supremam esse Christianarum omnium; cuius auctoritas tanta sit, ut quicquid in terris ligauerit, ligatum sit & in celis; & quicquid in terra soluerit, & in celis solutum sit; cuique alia omnes obedientes esse debant? Omnes aperto capite dixerunt, Naam, idest, ita; cuius in argumentum ipsi libros aliquot suos, in quibus hec omnia continerentur, proferre parati erant. Quero ego, benedicitis ne vos cuicunque illa benedicit? & cui maledicit, maledicatis? Respondent, etiam, ijsdem verbis. Vos quicquid illa de fide Christi Domini docet, & acceptat, docetis, & acceptatis? ita inquiunt. Benè habet, inquam ego, hac generatim proposita sunt. Nunc speciatim quedam distinctè inquiramus. Vos duas in Christo personas, an sicut Ecclesia Catholica credit, unam duntaxat admittitis? Nobis, respondit Elias, re vera hac in parte imponitur, quasi duas in Christo personas esse dicamus; hoc enim fuit heresis Nestorij, non Theodori. Quamobrem nos unā, inquit, tantum personam in Christo Domino credimus. Cumque dum prolixius rem ille totam explicat, ad vocem, Parsopa, ventum fuisset, statuit, eam verbo Chnum, quod arabice personam significat, respondere; nec esse Chnumain, quod duas denotat personas; sed tantum unam. Inde ad gloriose Virginis vere Matris Deirationem venimus, & Elias aperto capite, stansq; magna dicendi viri, motusque animi, Audi, inquit, Rabban Thoma; Nos hic confirmamus, credimusque ea omnia, & ijs subscribimus, que Legatus noster Roma ad Sanctissimi Pape pedes transgit; atque ita vltierius querendi de articulis omnem mihi rationem, & viam interclusit. Tum Timotheus, quod res ipsi tam bene, feliciterque reverteret, letus, confessim Pontificis libellum Caldaicæ, & Latinè conscriptum, offert Patriarche, qui eum osculatus referans, primò vtramque, & que initio, & que in fine posita est, figuram contemplatur: deinde Pontificis Epistolam, & nonnulla secreta cum perlegisset, postulauit Elias, palam, & publicè, atque voce, ut legeretur. Quare oblatum sibi à Patriarcha caput ipse, contenteq; legere usque à principio, nonnunquam ad errores Nestorianos interspirando, dicendoque, Stagforla, idest parcat nobis Deus. Nos non ita credimus. Desatigatus vero legendo, Timotheo tradidit, qui ad Symbolum & que Theodori percurrit. Et cum ego oportunum iam esse existimarem, Vnum, Illusterrissimi, ac Reuerendissimi Patres, aio, superest, plenè ut sit hodie mibi, planèque satisfactū. Quero ergo, si duo sint, quos inter concordia, & pax sit sancienda, num poterit, qui cum illis gerit T inimi-

inimicitias, pacis illius arbiter, atque effector eſe? Minime gentium, inquiunt illi; ergo neque Nestorius, inquam ego, nec Theodorus nunc inter nos federa pacis, & concionis componere posſunt, quos nobis inimicos, atque hostes esse non dubitatis, quos & Christo Domino exofos, & à Sanctis Patribus excommunicationis sententie toties subiectos in Concilijs Oecumenicis, & praesertim à Sancta Sede Apostolica per Legatos, qui Synodo aderant, anathematis iudicio damnatos. Bellè, inquit ad hoc Timotheus, me compellans italicè; potuit & no die Deus Orbem condere, & tamen sex dierum opus eſe & voluit. Sed Gabriel Episcorum, qui aderant, antiquissimus simul, & peritissimus. Si hec docent Nestorius, ac Theodorus, que in libello suo notat summus Pontifex, & nos illis diras, inquit, imprecamur; & excommunicationis, si iam illam non subiſſent, p̄nam imponimus, ac infligimus. Hac ille, & similia, tanto animo, ardoreque, & mibi piarum lacrymarum, ex singulari gaudio copiam de tam felici rerum successu excuteret.

Atque ita statutum eſt, Sanctissimo Domino Nostro respondendum in hunc modum, se nec ijs erroribus assentiri, nec alijs quibuslibet in fide, quippe qui eandem planè, quam Pontifex omnium Pater, ac Magister in credendo, Christianorum, siue assentiendo, siue dissentiendo prescriberet, legem, ac normam fidei perfectè sequi vellent. Hoc prorsus opus Excelſi, Illustrissime Domine, non verò opis humane. Nec volla à principio tam felicis, ac prosperi euentus ſpes affulgebat. Nunc autem Patriarcha nullum finem facit amplexandi memet singulari charitate, dicendiq; alia ſe longè maiora, atque ardentius praestituros, niſi metu Turcarum, qui eos fieri dubitant Italos, qui Romanae & uiunt Ecclesia, prohiberentur.

Nunc expectatur modò tertia ſeffio, in qua eorum literæ ad Sanctissimum Dominum Nostrum ſcribantur, & obſignentur, ad quod illi ſe ſe frequentibus inter ſe consultationibus strenuè, & perfectè exequendum comparant. Ego quidem & primum conſcriptæ erunt, ad Illustrissimam Dominationem Vestrā exemplum mittam, & certius ea cognoscat, quæ nunc paucis, & quaſi cursim delibo. Hęc, & dixi, gesta ſunt hac in parte, & Deus ſcit, quod non mentior.

Hoc poſtremò non omittam; Eliam, hominem, & dixi, & undequaque praestantissimum, ab Archiepiscopis delectum eſe, & profectus Hierosolymam, extrinſecam Monasterij habitationem coemat. Is ſecrèto mihi dixit, velle ſe cum diuina ope ire Legatum Romam ad San-

A clifſum Dominum Nostrum obedientie cauſa, Patriarche nomine, confirmandiq; ea omnia, quæ modo peracta ſunt. Quod ſi itaſiat, cum Eliae auctoritas ſit apud omnes magni ponderis, & nutus quaſi pro imperio, ſpes eſt, futuram multò faciliorē plebecula culturam, ut ex eorum animis omnes errorum fibra, & radices penitus (ſi qui id peritè faciant, erunt) euellantur, & extirpentur. Interea dum iſta ſcriberem, horæ quadrans fermè elapsus eſt, ex quo Græcus ad me Monachus venit, qui cum mecum græcè, & turcicè, ego cum illo agere arabicè, nec inuicem intelligeremus, per ſeruum meum cum illo interpretis vice colloquentem, audiui, querere illum, qui ſim, quid agam, quid moliar, an non ego ea de cauſa venerim, & Nestorianos facerem franchos. Suspicer, ſpeculatorum illum eſe, & lingue nostræ non imperitum: iamq; adſtat ſcribenti; & me notat, ac designat oculis, ita & haec domo hodie migrandum eſe mihi iam conſtituam. Deus à falsoſ fratribus eruat me auicula inſtar laqueos aucupum, & technas fugitantes. C Quod ni me Sanctissimus Dominus Noster praeferti eripiat periculo, atque liberet, actum erit. Hoc & unum deerat, ut Illuſtriss. Dominationi Vestræ moleſtiam procreem; ſed parcat, obſero, & condoleat.

Monui Eliam de puerulis pro Collegio, librisque Ammonij, & Sixti Papa: ille ſe praefiturum omnia, largè ſpōndit.

D Narrat ſeruus, audiffe ſe, dum inter illos, & fit, familiariter agit; cupere eos, & à Paſchate cum Eliae Aleppum proficiat, atque inde ad Hierosolymam; tum illius, quod ante dixi, negoti gratia, tum & quod imminent periculum deuitem, atque demum ad illos redeam diutius, & ſecurius commoraturus. Ego me inutili Iesu Christi ſeruum ſcio, & sanctæ Sedis Apostolica; ſed qualis qualis ſum, nihil eorum, que mihi ad Domini mei gloriam, & animarum ſalutem conducibilia videntur eſe, omittam & inquam: Et ſi mihi quidem erat in optatis, Monasterium aliquod, in quo linguarum ſtudio liber & vacare: & veruntamen fiat voluntas Domini.

E Duo ſunt, que Dominationi Vestræ Illuſtrissima affirmare verè poſſim. Alterum, Timotheum eſe verum, fidelemque Sanctissimi Domini Nostri Papa Pauli Quinti diſcipulū; non, & erat antea Nestorij: quandoquidem in veritate predicat verbum, & verbum bonum: inſtat oportunè, & importunè; arguit, obſecrat, increpat in omni patientia, & doctrina; ac & paucis dicam, ministerium ſuum implet, nec fructus fert exiguoſ. Unum hoc optandum eſſet, ne ſe rei ſtruenda, & colligenda tam eſſe au-

dum

dum significaret. Sed nemo perfectus, nisi solus Deus.

Alterum, quod affirmare ausim, illud est, magnam esse, & singularem huius gentis erga sanctam Sedem Apostolicam pietatem, & propensionem. Quatuor prop̄ annos ipsos in Oriente versatus, cum praecipuis huiusc tructus, & nationibus, & hominibus nonnunquam de fide disputavi: nullus, si Maronitas excipias; populus melius in Pontificem affectus mihi visus est: Et cum tridui iporum interesset ieiunio, quod in memoriam illius celebrant, quo Iona predicante Niniuite Deum placarunt, audiui concinentes alterno choro Emeti inter preces alias plus ceterum versiculis pro Romano Pontifice: à quibus cum quassem, & quid singulis annis tale quid factitarent, facere se dixerunt quotannis idem pro Sede Romana Apostolica, & Romano Pontifice, idemque sepe alias in celebrioribus huiusmodi temporibus. Ego Deo gratias egi, quod plures, quam putaremus, haberemus amicos. Sanè quam optarem, ut Sanctissimus Dominus Noster aliquem ex ista Curia sua Prelatum hoc mitteret, qui veniens ipse in rem praesentem, ut dicitur, agnoscet, & quam sit alba regio isthe ad me sem, si cum animarum cura, etiam corporibus nominib⁹ adiumenti suppeditari posset.

Nolo Illustrissime Dominationi vestre longiora conscribendo fastidia afferre. Quare cum humili meo delato obsequio, & bonorum omnium à Domino Iesu Christo exoptata illi, & exorata abundantia copia finem facio. Emeto decima Martij, millesimo sexcentesimo decimo sexto.

Postquam haec essent edita, vnum ad nos peruenit, nullo pacto, ut credimus, præterreundum. Nos hic apponere audebimus, nihil adhuc ordinem attendendo, modo historia pro viribus sit completa. Igitur Paulus V. Pont. Max. ad animorum salutem, atque Apostolicę Sedis augmentum incumbens, post has legationes ab Oriente missas, constituit binos Sacerdotes e Societate Iesu ad Patriarcham dirigere, ut rei veritatem atttingendo, fidenter comprehendenderent, num Romae per legatos expolita, ex mente eiusdem essent. Id onus Patri Ioanni Antonio Marietto, & Patri Petro Metoficiæ est impositum, qui multis periculis, ac laboribus diuino auxilio, liberati, tandem Ninuem deueniunt, hodie Mussol appellatam, in Mesopotamia positam, vbi a Patriarcha humanter excepti, Pontificis Breue reddentes, longum sermonem cum illo habuerunt, qui etiam ad Pontificem propria manu scriptis litteris, respondit. Romam reuersi,

A atque summo Pontifici a Patriarcha munus offerentes, benigne, atque hilariter fuerunt audit; nec non verbis charitate plenis laudati, ob negocium nauiter pro Sede Apostolica gestum. His postea Frater Thomas Nouriensis successit, ex sancti Francisci de obseruantia, familia, tunc sui ordinis monachorum Aleppi Gubernator, qui etiam cum Patriarcha coram agens, modo allatam epistolam conscripsit.

Quarta legatio Regis Voxu ex Iaponis, Regis Voxu ad Paulum V. Pontifici Max. legato

catechumenis. Hanc solum indicabimus, cum omnia fulे Scipio Amatus Romanus legati interpres concriperit. Haec legatio mensē Septembrib⁹ Romam ingrediens anno 1651 ad eam magna curruum, & equorum multitudine obuiam occurrit; cum vero Pontificis maximi pedes sunt deosculati, Illustrissimum Cardinalem Burgesium inuferunt & Sulmonæ Principem: tum in ædes Apostolicas Aræ Cœli Cenobio adiunctas peregregie adornatas venerunt, vbi omnia ministrabantur, quæ poterant ad viatum requiri, Pontificis familia semper deseruiente. Post aliquot dies solemnam ingressum prepararunt, velut magnorum Principum, ac Regum legatis concedi est solitum, quemper Vaticanam Portam suscepserunt, innumeræ equitum multitudine, Pontificis, & Cardinalium familijs, ac Romanis Patriis comitantibus. Quia vero Rex, cuius nomine venerant, salutari aqua non erat expurgatus, sed catechumenus; Consistorium

D in Aula prop̄ Clementinam habuerunt, ab Aula Regia exclusi, quæ tantum Christianis Principibus afferuatur. Quo facto totū Cardinalium Collegium Regis nomine visitarunt, à quibus etiam ipsi idem humanitatis indicium receperunt. Post septuaginta dies de reditu cogitantes, summus Pontifex pecunias pro itinere ministrando, Arcas sacrarum imaginum plenas tradendo, argenteas, & aureas toreumata, coronas, cruces aureas, reliquijs repletas, nec non quamplurima alia tanto Pontifice digna, Genuam triremibus traiici curauit. Quia vero diligenter de his Scipio Amatus, nihil amplius addemus.

Sedente Paulo Quinto Pontifice Maximo in Aula contigua Aule Clementina, Cardinalibus pro Consistorio, & alijs publicis actibus destinata, die tertia Nouembrib⁹ 1655. Vespertinis horis, in Sancta Romana Ecclesiæ Cardinallum concessu, & magna Principis Sulmonæ, & Antistituti, & Prelatorum, nobiliumque virorum frequentia, summo, & celeberrimo comi-

tatu introducti Legati duo Regis Voxu Iaponi, A Frater Ludouicus Sotetus, &c. et Don Philippus Franciscus, &c. post solemnum summi Pontificis adorationem, & beatorum pedum oscula, ab eodem eximia cum significatione benevolentiae, & charitatis accepti, in locum à designatore praestitum, magna cum modestia secesserunt. Post hec allata ab ijs Regis litterae publicè recitantur ex Iaponico in latini sermonem conuersæ, in hæc verba.

Apostol. Atque
Regis Voxu ad
Paulum V. Pō-
et. Max. litteræ.

Magni, & uniuersalis, sanctissimi totius orbis P. Dñi Pap. & Pauli V. pedes cū profunda summissione, & reverentia osculando Idate Masamune in Imperio Iaponico Rex Voxij, suppliciter dicimus. Cū venisset P. Fr. Ludouicus Sotelo Ord. S. Francisci religiosus ad meū Regnum, & in eo Christianā legem predicasset, me misit, ab eoque eā audiui, & mysteria multa, quæ de ritu sunt, et ceremonia Christianorū, aperuit, quæ sanè in corde recordes, & perscrutans, cognoscens vera esse, & salubria, suscipere profiteda, nisi me aliqua negotia deturbarēt, & inexcusabiles cause detinarent, si tamen pro nunc ego non valeā, cupio salutē meas gentes, & subditos populos Christianos fieri, hoc ut feliciter eueniatur, ad me mittas quæsio. Beatusse Pater, Religiosus Ord. S. Francisci, qui de obseruantia nuncupantur; hos enim præcipue dili- go, & obseruo; tua uerò Altitudo ipsis amplè concedere non horreat omnes licetias, fauores, et quæcunq; alia ad id necessaria. Ego autē iam terram hanc ingressos adiuuare nō desistā, sed in Monasterijs adiucandi, & in alijs rebus, quibus potero beneficijs in seruia, similiterq; expostulo, ut in meo Regno disponas, gubernes, instituas omnia ea, quæ ad propagandā sanctam Dei legem & utilia tibi fore placuerint: præcipue, ut in eo instituas, & creas quendam magnum Prælatum instanter supplico, cuius obseruantia, & sollicitudine omnes, qui in eo habitant, quā primum Christianos fieri non dubito; de ipsis autē expēsi, et redditibus ne queso anxius sis, quia ut copiosè fiat, nostræ sollicitudinis, & curæ propriū esse volumus. Cuius rei causa ad te mitto præfatum Fr. Ludouicum Sotelo legatum meum, a quo possis de corde meo, quæ tibi uisa fuerint sciscitari, optimè namq; nouit, quæ circa prædicta in eo sunt, et hec, ut effectū habeant ipsi roganter missō benevolas aures concedat, & honorem præbeat tua Beatitudo, cui etiam comitabitur quidam nobilis eques domus, qui F'axecura Rotuyemon nominatur, qui similiter legatus meus existit, & ambo mei vicces agentes, obsequij, & obedientia causa ad sanctissimam & que Roma-nam Curiam peruenientes, tuos beatissimos pedes pro me osculentur, & si forte prædictus Pater Frater Ludouicus Sotelo in via fuerit vita fun Elus quilibet aliis ab ipso designatus, ut legatus à te admittatur tanquam si ipse uiueret.

Cognoui præterea, quod meum à noua Hispania Regnis, quæ potestati, ac ditioni potentissimi Regis Hispanie Philippi subsunt, non multum distat; quapropter cum desiderio communicandi cum ipso, & cum illis Christianorum Regnis, eius amicitiam exopto; quod equidem sic fore confido, si tua auctoritas interueniat. precibus humiliter peto, ut hoc Altitudo tua incipiat, & ad finem & que perducat, maximè quia necessaria uia religiosis à te missis est. Prae omnibus pro me orabis omnipotentem Deum, ut ad eius amicitiam ualeam peruenire. Si uero in hoc Regno aliqua uideleris tuo obsequio, & voluntati gratiofa, iubeat Altitudo tua, quoniam, ut voluntati tue respondamus, totis viribus adimplebimus. Nunc autem licet exigua sint dona, quia tamen ex longinquâ regione adueniunt, cum reverentia, & timore, pauca, ex Iapone tibi offero. In omnibus alijs nos remittimus ad prædictum Patrem Sotelo, & equitem Rotuyemon, & ea qua ex parte nostra tractauerint, ac rata fecerint, ipsa & rata esse volumus. Ex Ciuitate, & Curia nostra Fendai, anno decimo octavo etatis Quecho quarto, die Lunæ nonae, id est anno salutis millesimo sexcentesimo tertio decimo. Pridie nonas Octobris.

Cognomen dignitatis,

Mateundayra Mutcunocami.

Nomen, & cognomen Regis.

IDATE MASAMUNE.

Dies inscriptionis, ut supra.

Recitatis litteris, & silentio indicto, ipsorum Legatorum, & Regis nomine sequens oratio est habita à R. P. Gregorio Petrochæ Mantuano, Ordin. Minorum Obseru.

ORATIO F. GREGORII PETROCHÆ
Mantuani, Ordin. Min. de Obseru.

Z Elus pietatis, eō tandem his diebus peruenit (Summe Pont.) ut per tuos filios, ac famulos Christi nomen, & annuncietur in Gentibus, & Regna fructificet. Dominus, et Salvator noster suum obsequentem, diligentem, & confidentem Petrum, insigni notione indigitans, Beatum, illum vocetenus nominauit. Beatus es Simon Bariona, cui concordans Ecclesia, & pro suo Pastore intercedens, dicit; Dominus consuet eum, & uiuiscet eum, & beatum faciat eum in terra. Qui fastigium Apostolatus agre ferunt, indignantes sedent in ista Cathedra, sanctissimi nomen tribuere, te, num beatissimum inficiari audebunt? Pro sanctitatis appellatione, nosse, pronūc, sufficiat, cuius in terris vicces geras, pro beatitudinis autem titulo meminisse sat erit, hic quem excipiias, quando excipias, quorsum excipias. Idem Masamunem, Voxij Regem, intra Iaponem, in duobus